

续资治通鉴

第二函
十四册

續資治通鑑卷第二百十四

賜進士及第兵部尚書兼都察院右都御史總督兩湖等處地方軍務兼理糧餉世襲二等輕車都尉畢沅編集

元紀三十二

起張國作經七月著雍掩茂十二月凡一年有奇

順帝

至正十七年秋七月丙子吳徐達率兵攻常熟張士德出挑戰先鋒趙德勝磨兵而進擒士德送建康遂循望亭甘露無錫諸寨皆下之士德饒鰲有謀士誠陷諸郡士德力居多及是被擒士德爲之喪氣己卯御史大夫特哩特穆爾奏續輯風憲宏綱庚辰吳國公遣兵取徽州路元帥胡大海等既克績溪遂進兵攻徽州守將元帥巴斯爾布哈及建德路萬戶吳訥等拒戰大海擊敗之拔其城訥與守臣阿嚨輝李克膺等退守遂安大海引兵追及于白際嶺復擊敗之訥自殺屬縣次第皆下戊子以李穰爲御史中丞己丑義兵黃軍萬戶田豐叛入紅軍陷濟寧路分省右丞寶勒們遁義兵萬戶孟本周攻之豐敗走本周還守濟寧甲午監察御史達爾默色劉傑言疆域日蹙兵律不嚴陝西汴梁淮潁山東之寇有窺伺燕趙之志宜俯詢大臣共圖克復豫定守備之策不報丙申吳元帥胡大海進攻婺源江浙參政楊鄂勒哲率兵十萬欲復徽州大海還師與戰于城下大敗之殺其鎮撫呂才鄂勒哲遁去是月立四方獻言詳定使司歸德府知府林茂萬戶時公權叛以城降于賊歸德及曹州俱陷八月癸丑劉福通兵陷大名路遂自曹濮陷衛輝路博囉特穆爾舊作李羅帖木兒今改與萬戶方扎克托出兵擊之是月帝至上都張士德至建康吳國公以禮待之供珍膳俟其降士德不食不語其母痛之令士誠歲餽建康糧十萬石布一萬疋永爲盟信吳國公不許士德以身繫事無所成間遣士誠書俾降元以圖

建康遂不食而死

攷異後編辨證曰黃錄載士德被誅而劉辰國初事諱云不食而死今攷陳基祭文云能厲聲罵賊而不能食不義之食則以爲不食而死者是也今從之

張士誠使前江南行臺中丞晏濟哈

雅爲書請降於浙江丞相達實特穆爾辭多不遜楊鄂勒哲欲納之達實特穆爾不可曰我昔在淮南嘗招安士

誠知其反覆其降不可信士誠使者往返訖就乃遣其僞隆平太守周仁親詣江浙省堂具陳自願休兵息民

之意鄂勒哲固勸納降乃許之士誠始要王爵達實特穆爾不許又請爵爲三公達實特穆爾曰三公非有司所

定今我雖便宜行事不敢專也鄂勒哲又力以爲請達實特穆爾雖外爲正辭然實幸其降又恐拂鄂勒哲意

遂授士誠太尉士德淮南行省平章政事士信同知行樞密院事改隆平府復爲平江路士誠遷居府治雖奉正

朔而甲兵錢穀皆自據如故朝廷顧以招安士誠爲達實特穆爾功詔加太尉後聞士德之死追封楚國公而以

士信爲江淮平章政事初達實特穆爾假周伯琦行省參政招諭張士誠及是已降除伯琦同知太常禮儀院事

士誠留之未行拜左丞士誠爲造第宅于乘魚橋厚其廩給九月癸酉湖婺源州元帥汪同與守將特穆爾布

哈不協以總管王起宗謫縣營戶葉茂祁門元帥馬國寶降于吳甲戌江浙平章夏章等亦降于吳丙子以御

史大夫婁都爾蘇

舊作老的沙今改

爲中書平章政事

丙戌吳興興翼元帥費子賢率兵攻武康與守將潘嵩戶戰斬

首百餘級遂下之

甲午澤州陵川縣陷縣尹張輔死之

戊戌台哈布哈

舊作太不花今改

復大名路并所屬州縣

辛丑詔中書右丞顏森布哈御史中丞成遵泰使宣撫彰德大名廣平東昌京平曹濮等處獎勵將帥是月命

知樞密院事努都爾噶

舊作紐的該今改

加太尉總諸軍事禦東昌時田豐據濟濮率眾來寇擊走之

倪文俊謀殺其主

徐壽輝不果自漢陽奔黃州壽輝將陳友諒襲殺之友諒佐文俊攻陷諸州郡有功遂用領兵爲元帥及文俊迎

壽輝居漢陽而專其政柄友諒心不平至是襲殺文俊併其眾自稱宣慰使尋爲平章政事閏月癸卯有飛星

原书缺页

原书缺页

其玩寇失機使者促戰相踵賊覘知之詐爲達寶巴圖爾通和書遺諸道路使者果得之以進達寶巴圖爾知之一夕憂憤死 初毛貴陷益都般陽等路帝命董搏霄從知樞密院事布蘭奚討之而濟南又告急搏霄提兵援濟南賊衆自南山來攻濟南望之兩山皆赤搏霄按兵城中先以數十騎挑之賊衆悉來鬪騎兵少却至礮上伏兵起遂合戰城中兵又大出大破之而般陽賊復約泰安之黨踰南山來襲濟南搏霄列兵城上弗爲動賊夜攻南門獨以天石禦之黎明乃潛開東門放兵出賊後旣旦城上兵皆下大開南門合擊之賊敗走復追殺之賊衆無遺者于是濟南始寧詔就陞淮南行樞密院副使兼山京宣慰使都元帥仍賜上尊金帶楮幣名馬以勞之有疾其功者譜于總兵太尉努都爾噶令搏霄依前詔從布蘭奚同征益都搏霄卽出濟南城屬老且病請以其弟昂霄代領其衆朝廷從之授昂霄淮南行樞密院判官未幾命搏霄守河間之長蘆 是冬張士誠築城虎邱山因高據險役月餘而畢 是歲詔諭濟寧李秉彝田豐等令其出降敘復元任嘯亂士卒仍給資糧欲還鄉者聽義兵千戶余寶殺其知樞密院事寶圖以叛降于毛貴余寶遂據棣州 集賢大學士兼太子左諭德許有壬以老病乞致仕許之有壬前朝舊德皇太子頗加敬禮一日入見方臂鷹爲樂遽呼左右屏去始見之 盜據齊魯中書參知政事崔敬與平章達覽參政諳普分省陵州陵州乃南北要衝無城郭而居民散處敬供給諸軍事不集丞相以其能上聞賜之上尊仍命其便宜行事敬以軍馬供給浩繁而民力已疲乃請行納粟補官之令詔從之河北燕南士民接踵而至積粟百萬石繕段萬疋以給軍費民獲少蘇 中書右丞烏古遜良楨論罷陷賊延坐之令有惡少年誣知宜興州張復通賊之罪中書將籍其孥吏抱案請署良楨曰手可斷案不可署同列變色卒不署良楨自左曹登政府多所建白罷福建山東食鹽浙東西長生牛租瀕海被災園田稅民皆德之

至正十八年春正月丙午趙普勝陳友諒等陷安慶淮南行省右丞余闕死之賊之來攻也初自東門登城闕簡死士擊却之已而併軍攻東西二門又擊却之賊恚甚乃樹柵起飛樓臨城闕分命諸將各以兵扞賊晝夜不得息賊益生兵來攻是日普勝軍攻東門友諒軍西門饒州祝寇軍南門羣盜四面蟻集外無一甲之援西門勢尤關急身當之徒步提戈爲士卒先士卒號哭止之揮戈愈力仍分麾下將督三門之兵自以孤軍血戰斬首無算而闕亦被十餘創日中城陷火起闕知不可爲引刀自刎墮清水塘妻耶律氏子德生女福童皆赴井死同時死者守臣韓建一家被害建方臥疾罵賊不屈賊執之以去不知所終城中民相率登城樓自捐其梯曰寧俱死此誓不從賊焚死者以千計其知名者萬戶李宗可紀守仁陳彬金承宗元帥府都事特穆布哈萬戶府經歷段桂芳千戶和碩布哈新李盧廷玉葛延齡三疊許元炎秦差烏圖縵百戶黃寅孫安慶推官黃圖倫岱經歷楊恆知事余中懷靈尹陳巨濟十八人闕號令嚴信與下同甘苦然稍有違令卽斬以徇嘗病不視事將士皆籲天求以身代闕強衣冠而出當出戰矢石亂下如雨士以盾蔽闕闕却之曰汝輩亦有命何蔽我爲故人爭用命稍暇卽注周易帥諸生謁郡學會講立軍士門外以聽使知尊君親上之義有古良將風烈或欲輓之入翰林闕以國步危感辭不往遂死於安慶贈淮南江北行省平章追封國公諡忠宣

神以爲勅封夏國公諡忠宣丁鶴年又稱爲余文貞公宋景文公手定元史而集中余左丞傳亦作文忠未審孰得其真余按改諡之說近是 讀者謂兵興以來死節之臣余闕與褚布哈爲第一

庚戌張士誠兵攻常州吳守將湯和擊敗之獲卒數百人 吳行樞密院判鄧愈遣部將王禰等攻婺源州兵至

城西吳守將特穆爾布哈戰自旦至日昃殺傷五百餘人不下乙卯

攷吳元史本紀作庚戌今從後編

分兵爲三道並進遂拔其城特

穆爾布哈死之士卒皆降凡三千餘人復遣萬戶朱國寶攻高河壘克之 乙丑大風起自西北益都土門萬歲

碑仆而碎 丙寅田豐陷東平路 丁卯知樞密院事布蘭奚與毛貴戰于好石橋官軍敗績走濟南 是月詔達

寶巴圖爾子博囉特穆爾爲河南行省平章政事總領其父原管軍馬 詔察罕特穆爾屯陝西李思齊屯鳳翔

二月己巳朔歲國結西山寨大小十一處以爲保障命中書右丞達實特穆爾左丞烏古遜良楨等總行提調

設萬夫長千夫長百夫長編立牌甲分守要害互相策應 毛貴陷青滄二州遂據長蘆鎮 中書省奏以陝西

軍旅事劇去京師道遠供費艱難請就陝西印造寶鈔爲便從之遂分戶部寶鈔府等官置局印造仍命諸路撥

降鈔本界平準行用庫倒易昏幣布于民間 癸酉毛貴陷濟南路守將愛迪戰死毛貴立賓興院選用故官以

姬京周等分守諸路又于萊州立三百六十屯田每屯相去三十里造大車百兩以挽運糧儲官民田十止收三

分冬則陸運夏則水運 董搏霄將赴長蘆請人曰我去濟南必不可保至是濟南果陷搏霄方駐兵南皮縣之

魏家莊適有詔拜搏霄河南行省右丞甫拜命毛貴兵已至而營壘猶未完諸將謂搏霄曰賊至當如何搏霄曰

我受命至此當以死報國耳因拔劍督兵以戰而賊衆突至搏霄前猝問爲誰搏霄曰我董老爺也衆刺殺之無

血惟見有白氣衝天是日昂霄亦死之事聞贈搏霄河南行省平章政事追封魏國公諡忠定昂霄禮部尙書追

封隴西郡侯諡忠毅搏霄早以儒生起家輔能更會天下大亂復以武功自奮其才略有大過人者而當時用

之不能盡其才君子惜之 乙亥吳國公以吳楨爲天興翼副元帥使其兄良守江陰時江陰兵不滿五千而

與張士誠接壤良兄弟訓練士卒嚴爲籌備屯田以給軍餉敵不敢犯民甚賴之 吳國公命元帥康茂才爲營

田使諭之曰比因兵亂隄防頽圯民廢耕耨故設營田以修隄防專掌水利今軍務殷繁用度爲急理財之

道莫先于農春作方興虐旱潦不時有妨農事故爾此職分巡各處俾高無患乾卑不病潦務在蓄洩得宜大

道莫先于農春作方興虐旱潦不時有妨農事故爾此職分巡各處俾高無患乾卑不病潦務在蓄洩得宜大

抵設官爲民非以病民若但使有司增飾館舍迎送奔走所至紛擾無益于民而反害之卽非委任之意 山東賊漸逼京畿辛巳詔以台哈布哈爲中書右丞相總兵討之 壬午田豐復陷濟寧路甲戌陷輝州丙戌努都爾

噶聞田豐近逼東昌棄城走城遂陷 丁亥察罕特穆爾調兵復涇州平涼保鞏昌 庚寅王士誠自益都犯懷

慶路守將周全擊敗之 丁酉興元路陷 三月己亥朔日色如血 加右丞相綽斯戡太保 庚子毛貴陷般

陽路 辛丑大同路夜黑氣蔽西方有聲如雷少頃東北方有雲如火交射中天徧地俱見火空中有兵戈之聲

癸卯王士誠陷晉寧路總管杜賽因布哈死之 己酉劉福通遣兵犯衛輝河南行省平章博囉特穆爾擊走

之進克濮州 庚戌毛貴陷薊州徵四方兵入衛詔察罕特穆爾以兵屯涿州察罕特穆爾卽留兵戍清涼義谷

屯潼關塞南山口以備他盜而自將精銳赴召 毛貴率衆由河間趨直沽乙卯遂犯湖州至棗林已而略柳林

蹂躪旬樞密副使達國珍戰死人心大駭廷臣或勸乘輿北巡以避之或勸遷都關陝衆論紛紛然獨左丞相泰費

音執不可帝乃命同知樞密院事劉哈喇布哈以兵拒之戰于柳林官軍捷賊退走京師乃安 吳國公命提刑

按察司僉事分巡郡縣錄囚凡笞罪者釋之杖者減半重囚杖七十其有賊者免徵武將征討有過者皆有之左

右或言去年釋罪囚今年又從未減用法太寬則人不畏法無以爲治吳國公曰自喪亂以來民初離創殘以歸

于我正當撫綏之況其間有一時誤犯者寧可盡法乎大抵治獄以寬厚爲本而刑新國則宜用輕典若執而不

變非時措之道也 丙辰吳國公遣兵取建德路先是鄧愈朱文忠胡大海率兵由昱嶺關進攻建德道出遂安

長槍元帥余子貞以兵來拒愈等擊敗之追至潛安降其衆三千餘人遂安守將洪某率兵五千援潛安大海與

之戰擒將士四百餘人由是直抵建德參政布哈院判慶壽等皆遁父老何良輔等以城降改建德路爲嚴州府

以周全爲湖廣行省參知政事統鄂囉等軍移鎮嵩州白龍寨 丁巳田豐陷益都路 察罕特穆爾欲赴召

涿州而曹濮賊方分道踰太行焚上黨掠晉冀陷雲中鴈門上郡烽火數千里復大掠而南察罕特穆爾留禦之
先遣兵伏南山阻隘而自勒重兵屯聞喜絳州賊果出南山縱伏兵橫擊之賊皆棄輜重走山谷遂分兵屯澤州
塞碗子城屯上黨塞吾兒谷屯并州塞井陘口以杜太行諸道賊屢至守將數血戰擊却之河東悉定進陝西行
省右丞兼行臺侍御史同知河南行樞密院事于是朝廷乃詔察罕特穆爾守禦關陝晉冀鎮撫漢沔荆襄便宜
行事察罕特穆爾益務練兵訓農以平定四方爲己責 夏四月己巳朔趙普勝自樅陽寇池州陷之執吳守將
趙忠 庚午江浙行省左丞楊鄂勒哲以舟師攻徽州吳將胡大海等擊敗之丁丑鄂勒哲又攻建德吳將朱文
忠擊敗之鄂勒哲遁去 甲申陳友諒陷龍興路省臣道通和尼齊棄城遁 壬午田豐陷廣平路大掠退保東

昌詔元帥方托克托以兵復廣平 癸未以諸處捷音屢至詔頒軍民事宜十一條 甲午陳友諒遣部將王奉

國陷瑞州路 是月帝如上都 察罕特穆爾李思齊會宣慰使張良弼郎中郭擇善宣慰同知拜特穆爾平章

政事定珠總帥汪長生努各以所部兵討李喜喜于鞏昌李喜喜敗入蜀察罕特穆爾駐清湫思齊駐斜坡良弼
駐秦州擇善駐崇信拜特穆爾駐通渭定珠駐臨洮各自除路府州縣官徵納軍需思齊良弼同謀襲殺拜特穆
爾分總其兵思齊尋又殺擇善 五月戊戌朔以方國珍爲江浙行省左丞兼海道運糧萬戶 察罕特穆爾遣

其將以兵復冀寧 劉福通攻汴梁王寅守將珠展舊作竹
員今改棄城遁福通遂入城立宮闕自安豐迎其主小明王

居之以爲都 陳友諒遣部將康泰邵宗鄧克明等以兵寇邵武路 庚戌陳友諒陷吉安路 癸丑監察御史

密濟爾海七十等劾太保中書右丞相台哈布哈乙卯削台哈布哈官安置蓋州初台哈布哈奉命討賊旣渡河

卽上疏謂賊勢張甚軍行宜以糧餉爲先昔漢韓信行軍蕭何餽糧方今措置無如丞相泰費音者如令泰費音至軍中供給事乃可濟不然兵不能進矣其意實銜泰費音欲其至軍中卽害之也時參知政事布延特穆爾張晉等分省山東二人者嘗劾壽圖不進兵台哈布哈至則以其餽運不前斷遣之又以知樞密院事鄂勒哲特穆爾爲右丞之日嘗劾其罪亦加以失誤專制之罪擅改其官徵至軍欲害之事聞廷議喧然左丞相泰費音以其欲害已也遂諷御史劾其緩師拒命而于帝前力排之于是下削奪之詔以知樞密院事烏蘭哈達代總其兵仍命烏蘭哈達節制河北諸軍河南行省平章政事周全節制河南諸軍 辛酉陳友諒兵陷撫州路 是月山東地震天雨白毛 六月戊辰朔台哈布哈伏誅台哈布哈聞有詔夜馳詣劉哈喇布哈求救解劉哈喇布哈故台哈布哈部將也以破賊累有功拜淮南行省平章政事時駐兵保定見台哈布哈至因張樂大宴舉酒慷慨言曰丞相國家柱石有大勳勞如此天子終不害丞相是必爲讒言所間我當往見上白之丞相毋憂也卽走至京見泰費音泰費音問其來故哈喇布哈具以告泰費音曰台哈布哈大逆不道今詔已下爾乃敢妄言耶不審處禍將及爾矣哈喇布哈聞泰費音言噤不能發泰費音度台哈布哈必在哈喇布哈所卽語之曰爾能致台哈布哈以來吾以爾見上爾功不細矣哈喇布哈因許之泰費音乃引入見帝賜賚良渥初哈喇布哈之事台哈布哈也與倪晦者同在幕下台哈布哈每委任晦而哈喇布哈計多阻不行哈喇布哈心常以爲怨及是知事已不可解還縛台哈布哈父子送京師未至皆殺之于路 察罕特穆爾調浩爾齊舊作茂林今改 關保同守潞州拜察罕特穆爾陞西行省平章政事便宜行事 癸酉吳左副都指揮使朱文忠率兵攻浦江下之義門鄭氏舉家避兵山谷間文忠重其累世雍睦訪得之悉送還家禁兵士無侵犯 吳中翼左副元帥謝再興等率兵略石埭縣與陳友

諒兵遇擊敗之擒其將錢清等三人 庚辰關先生破頭潘等陷遼州浩爾齊以兵擊走之關先生等遂陷晉寧

路城中死者十二三郡人番彝性高介有守名稱重一時至是整衣冠聚妻子家有大井彝坐其上令妻子婢妾

輩循次投井中而已隨赴之賊首王士誠使人至彝家邀致之至則彝死矣賊平贈彝臨汾縣尹賜諡純潔有張

富起者汾州人也嘗用薦徵爲國子助教居一歲免歸賊去晉寧復陷汾州富起與妻亦赴井死晉寧人王佐爲

賊所獲欲降之佐詬詈不輟亦遇害 乙酉命左丞相泰費音督諸軍守禦京城便宜行事 甲午張士誠兵寇

常熟縣吳守將廖永安與戰于福山港大破之 自江南行臺移治紹興卽檄達嚙噶齊邁爾古斯爲行臺鎮撫

邁爾古斯大募民兵爲守禦計與舒瞻宜遜舊作石抹宜孫今改夾攻處州山賊遂平之擢江東廉訪司經歷仍留紹興以

兵衛臺治時浙東西郡縣多殘破獨邁爾古斯保障紹興境內晏然民愛之如父母達實特穆爾承制授行樞密

院判官分院治紹興及方國珍遣兵侵據紹興屬縣邁爾古斯曰國珍本海賊今旣降爲大官而復來害吾民可

乎欲率兵問罪先遣部將黃中取上虞朝議方倚重國珍資其舟以運糧而御史大夫拜珠格與國珍素通賄賂

情好甚厚憤邁爾古斯擅舉兵且恐生事卽使人召至私第計事至則命左右以鐵鎚撻殺之斷其頭擲廁溷中

民聞之無不慟哭邁爾古斯寧夏人也黃中率其衆復讎盡殺拜珠格家人及臺府官員掾吏獨留拜珠格不殺

以告于張士誠士誠乃遣其將呂珍以兵守紹興拜珠格尋遷行宣政院使監察御史眞圖劾拜珠格陰害帥臣

幾致激變宜寘諸嚴刑詔削其官安置湖州而已放異職耕錄以拜奇格爲白劾納印綬去今從元史 秋七月丁酉朔河南行省平章政事周

全據懷慶路以叛附于劉福通時察罕特穆爾駐洛陽遣拜特穆爾以兵守碗子城周全來戰拜特穆爾爲其

所殺全遂盡驅懷慶民渡河入汴梁 庚子吳廖永安收張士誠于狼山獲其戰艦而還 丁未布蘭奚以兵復

般陽路已而復陷 癸丑賊兵犯京城刑部郎中布哈守西門夜開門擊退之 丙辰吳總管胡通海等襲破九
華山寨時寨首鮑萬戶有眾二千據險自固四面設礮石機弩兵不能進通海乃引兵潛由礮道攀援魚貫而上
因風縱火燔其寨遂克之 己未劉福通遣周全引兵攻洛陽守將登城以大義責全全愧謝退兵福通殺之全
之攻洛陽也察罕特穆爾以奇兵出宜陽而自將精騎發新安來援會賊已退因追至虎牢塞諸險而還 是月
京師大水蝗民大饑 是月江南行省右丞郭天爵謀害吳國公事覺吳國公殺之天爵天秩之弟也 八月丁
卯朔江浙行省平章錫達布討饒州貪財玩寇久無功遂妄稱遷職福建行省至福建爲廉訪僉事般若特穆爾
所劾拘之興化路 庚辰陳友諒兵陷建昌路 辛巳義兵萬戶王信以滕州叛降于毛貴 己丑張士誠兵寇
江陰吳守將吳良擊走之 江浙行省丞相達實特穆爾陰約張士誠以兵攻楊鄂勒哲鄂勒哲倉卒不及備遂
自殺其眾皆潰鄂勒哲築營德勝腰周圍三四里子女玉帛皆在焉用法深刻任意立威而鄧子文金希伊王彥
良之徒又悉邪佞輕佻左右交煽達實特穆爾惡之士誠素欲圖鄂勒哲遣其部將史文炳往杭州謁鄂勒哲相
見甚歡文炳大設宴盛陳鳥銀器皿嵌金鐵鞍之類盡以遺鄂勒哲自是約爲兄弟及士誠與達實特穆爾合謀
文炳率眾圍鄂勒哲營鄂勒哲遣吏致牲酒爲可憐之意曰願少須臾無死得以底裏上露文炳報不可鄂勒哲
乘城拒戰十日力盡自經死其弟巴延亦自殺文炳解衣裹鄂勒哲屍瘞祭之其後追封鄂勒哲潭國公諡忠愍
巴延衡國公諡忠烈鄂勒哲部將員成等欲爲報仇遣苗軍元帥台哈布哈奉書納款于建康且言其部將李福
等三萬餘人在桐廬皆願效順吳國公命朱文忠往撫之 庚寅以婁都爾蘇爲御史大夫詔作新風紀 九月
丁酉朔詔授錫班特穆爾同知河東宣慰司事其妻雲中郡夫人子觀音等贈同知大同路事仍旌表其門先是

錫班特穆爾爲趙王位下總管府事其妻嘗保育趙王及是部落明里叛欲殺王錫班特穆爾與妻謀以其子觀音努服王平日衣冠居王宮夜半夫妻衛趙王微服遁去賊至遂殺觀音努趙王得免事聞故旌其忠焉 褒封唐贈諫議大夫劉蕡爲昌平文節侯 關先生攻保定路不克遂陷完州掠大同興和塞外諸郡 中書左丞張

冲請立國練安撫勸農使司二道一奉元延安等處一鞏昌等處從之 壬寅詔中書參知政事布延布哈治書侍

御史李國鳳經略江南 癸卯詔以福建行省平章政事慶圖爲江南行臺御史大夫時行臺治紹興所轄諸道

多爲吳所有而明台則制于方國珍杭蘇則制于張士誠憲臺綱紀不復可振徒存空名而已 丙午賊兵攻大

同路壬戌平定州陷 乙丑陳友諒陷贛州路江西行省參政全普諳薩里及總管哈納齊死之時江西下流諸

郡皆爲友諒所據普諳薩里乃與哈納齊戮力同守友諒遣其將圍城因使人脅之降普諳薩里斬其使日擐甲

登城拒之力戰凡四月兵少食盡遂自刎哈納齊守贛尤有功城陷之日賊將脅之使降哈納齊謂之曰與汝戰

者我也爾毋殺吾民當速殺我遂遇害 冬十月辛未吳興元史水紀作壬申今從後編吳將胡大海取蘭溪州先是大海至婺之

鄉頭擒萬戶趙布延布哈等平其五壘是日進攻蘭溪官軍千人出戰敗之克其城廉訪使趙秉仁等被執立監

越翼元帥府分兵守其要害遂進攻婺州路 甲戌吳將徐達邵榮克宜興先是達等攻宜興久不下吳國公遣

使謂達等曰宜興城小而堅猝未易拔聞其城西通太湖口張士誠餉道所由出若以兵斷其餉道彼軍食內乏

城必破矣達等乃分兵絕太湖口而并力急攻遂拔其城同知樞密院事廖永安復率舟師擊士誠于太湖乘勝

深入遇呂珍戰敗遂爲所獲士誠欲降之不屈 壬午監察御史楊珠布哈劾中書右丞相綽斯戡任用私人

都將舊作榮及妾弟崔鄂勒哲特穆爾舊作崔完者印造偽鈔事將敗令都將自殺以滅口綽斯戡乃請解機務詔止收其

印綬乙酉監察御史達爾瑪寶哩王彝等復劾之請正其罪帝終不聽壬辰大同路陷達噶齊鄂勒哲特穆爾棄城遁是月博囉特穆爾統領諸軍復曹州十一月辛丑吳立管領民兵萬戶府吳國公曰古者寓兵于農有事則戰無事則耕暇則講武今兵爭之際當因時制宜所定郡縣民間武勇之材宜精加簡拔編緝爲伍立民兵萬戶府領之俾農時則耕閑則練習有事則用之事平有功者一體陞擢無功者還爲民如此則民無坐食之弊國無不練之兵以戰則勝以守則固庶幾寓兵于農之意也癸卯陳友諒陷汀州路丁卯田豐陷順德路先是樞密院判官劉起祖守順德糧絕劫民財掠牛馬民強壯者令充軍弱者殺而食之至是城陷起祖遂盡驅其民走入廣平甲子吳國公以胡大海兵攻婺州不克乃自將親軍副都指揮使楊璟等師十萬往攻之十二月乙丑朔日有食之癸酉關先生破頭潘沙劉二等由大同直犯上都焚煬宮闕留七月乃轉略遼陽甲申吳取婺州路達噶齊僧珠浙東廉訪使楊愚死之先是吳國公出師至徽州召儒士唐仲實問漢高帝光武唐太宗宋太祖元世祖平一天下其道何由對曰此數君者皆以不嗜殺人故能定天下于一公英明神武驅除禍亂未嘗妄殺然以今日觀之民雖得所歸而未遂生息吳國公曰此言是也我積少而費多取給于民甚非得已然皆爲軍需所用未嘗以一毫奉已民之勞苦恆思所以休息之曷嘗忘也又聞前學士朱升名召問之對曰高築牆廣積糧緩稱王吳國公悅命參帷幄師進至德興聞張士誠兵據紹興諸暨乃取道蘭溪以至婺州遣使入城招諭不下遂圍之初江浙行省丞相達實特穆爾承制授浙東宣慰副使舒穆魯宜遜以行樞密院判官分治處州又以前江浙儒學副提舉劉基爲其院經歷蕭山縣尹蘇友龍爲照磨而宜遜又自辟郡人胡深葉琛章溢參謀其軍事處爲郡山谷聯絡盜賊憑險竊發不易平治宜遜用基等謀或擣以兵或誘以計皆殲殄無遺

類尋陞同僉行樞密院事至是聞吳兵抵蘭溪且逼婺而宜遜弟厚遜方守婺其母亦在城中宜遜泣曰義莫重于君親食祿而不事其事是無君也母在難而不赴是無親也無君無親尚可立天地哉卽遣胡深等將民兵數萬赴援而親率精銳爲之殿深等至松溪觀望不能進吳國公謂諸將曰婺倚舒穆皞宜遜故未肯卽下聞彼以獅子戰車載兵來援此豈知變者松溪山多路險車不可行今以精兵遏之其勢必破援兵旣破則城中絕望可不勞而下矣翌日僉院胡大海養子德濟誘其兵于梅花門外縱擊大敗之深等遁去城中勢益孤臺憲將臣畫界分守意復不相能于是同僉樞密院甯安慶與都事李相開門納敵楊惠僧珠皆戰死南臺御史特穆爾賚斯院判舒穆皞厚遜等皆被執吳國公入城下令禁戢軍士剽掠民皆安堵改婺州路爲寧越府置中書分省召儒士許元葉瓚胡翰汪仲山等十餘人皆會食省中日令二人進講敷陳治道以王宗顯知寧越府宗顯和州人少攻儒業博涉經史于是命宗顯開郡學延宿儒葉儀宋濂爲五經師戴良爲學正吳沈徐厚爲訓導時喪亂之餘學校久廢至是始聞絃誦聲無不欣悅是月太白經天者再吳國公發倉賑寧越貧民有女子曾氏自言能通天文誑說災異惑衆吳國公以爲亂民命戮于市是歲河南賊蔓延河北前江西廉訪僉事巴延家居濮陽言于省臣將結其鄉民爲什伍以自保而賊已大至巴延乃渡漳北行鄉人從之者數十萬家至磁州與賊遇賊知巴延民士生劫之以見其帥帥誘以富貴巴延罵不屈引頸受刃與妻子俱死之有司上其事贈僉太常禮儀院事太常上諡議曰以城守論之巴延無城守之責而死與江州守李黼同以風紀論之巴延無在官之責而死與西臺御史張桓同以平生有用之學成臨義不奪之節乃古之所謂君子人者請諡曰文節從之江西諸郡皆陷撫州路總管吳當乃戴黃冠著道士服杜門不出日以著書爲事陳友諒遣人辟之當臥牀不食以死自誓

乃昇牀載之舟送江州拘留一年終不爲屈遂隱居吉水縣之谷坪踰年以疾卒京師大饑疫而河南北山東

郡縣皆被兵各挈老幼男女避居京師以故死者相枕籍資正院使保布哈苗作朴不請于帝市地收瘞之帝及

皇后皇太子省院諸臣施捨無算而保布哈亦自出財賄珍寶以佐其費擇地自南北兩城抵盧溝橋掘深及泉

男女異壙人以一屍至者隨給以鈔昇負相踵至二十年四月前從瘞者二萬用鈔二萬七千九十餘錠凡居民

病者予之藥不能喪者給之棺翰林學士承旨張翥爲文頌其事曰善惠之碑保布哈高麗人亦曰王布哈皇后

奇氏微時與布哈同鄉里相爲依倚及布哈以閹人入事后累遷爲資正院使后益愛幸之至是欲要譽于權故

有斯舉帝嘗爲近幸臣建宅親畫屋樣又自削木構宮高尺餘棟梁楹檻宛轉皆具付匠者按此式爲之京師

遂稱魯般天子內侍利其金珠之飾告帝曰此屋比某家殊陋劣帝輒命易之內侍因刮金珠而去奇后見帝造

作不已嘗挽上衣諫曰陛下年已大子年已長宜稍息造作且諸夫人事上足矣無惑于天魔婢女輩自愛惜聖

躬也帝艷然怒曰古今只我一人耶由此兩月不至后宮后亦多蓄高麗美人大臣有權者輒以此遺之京師達

官貴人必得高麗女然後爲名家自至正以來宮中給事使令大半高麗女以故四方衣服鞋帽器物皆仿高麗

舉世若狂

卷第二百十五

元紀三十三

起興錄大淵獻正月歲上
辛酉歲六月凡一年有奇

順帝

至正十九年春正月陳友諒遣其黨王奉國率兵號二十萬寇信州路江京廉訪副使巴延布哈德濟苗作伯顏不
花的斤今改